

## 不一樣的悲劇

曾幸盈

角色：

溫耀堂：充滿自信，考順父母，在證券公司上班（經理）

梁文傑：因環境而變得不擇手段

堂母：和兒子感情很好，一直以後都支持著他

嫖：耀堂之妻子，傳統女人，前期和丈夫感情不太好

佻姬：為人貪錢，常利用美貌色誘富家公子

傑母：是為勢利之人

傑父：是為勢利之人

敏：文傑的妹妹，和文傑的感情不錯

其他：

公司：接待處小姐，Amy，職員甲，乙，丙，丁，秘書、總經理

車：司機

海旁：老伯

序幕：家中，公司

堂母：呀堂你今晚又唔返黎呀？

耀堂：係呢~今晚食飯唔駛等我喇，你同啊嫖食住先啦

堂母：呢排你成日都唔返黎屋企，乜出面真係有咁多應酬架

耀堂：大公司要傾野叫埋我去都有辦法，得架喇，我有分數架喇，放心啦

耀堂：媽咪，下個星期就係你 60 歲大壽，我已經 book 左幾圍枱同你慶祝，到時你一定好開心

堂母：媽咪知你孝順，不過下次唔好駛埋呢啲啲無謂錢喇，其實一家人係屋企食餐飯，媽咪都好開心架，啲錢留返黎第時用。

耀堂：媽咪，你咁諗你個仔呀，你個仔咁醒又咁做得野，駛乜驚唔夠錢用？

堂母：得喇得喇，知我個仔叻喇，快啲返工唔好遲到

耀堂：媽咪我出門喇（輕錫呀媽一啖）

堂母：喔~~小心啲呀（握其手）

嫖：奶奶...佢..出左門喇??

堂母：係呀..（咳嗽中）家嫂

堂母：家嫂你睇下

嫖：「金融追擊手高妹同食宵夜」？

堂母：佢呢排早出晚歸，叫佢坐低食餐飯，佢話出去開 OT，

公司邊有咁多 OT 架

嫖：或者唔係真架呢，咁出去應酬唔係男就係女，可能呢個係佢個客，而咁岩又俾狗仔隊影成咁..

堂母：你唔駛講咩喇，我知你受左委屈，係我個仔對你唔住，你放心，我一定會對你有個交待

嫖：...（欲言又止，只好低著頭繼續她的早餐）

（背景轉回寶源證券有限公司）

職員甲：溫經理早晨（笑容可掬）

職員乙：溫經理早晨（笑容可掬）

耀堂：唔（望都唔望佢地，笑都唔笑）

職員甲：你睇下佢..幾得戚！！（雙手交叉）

職員乙：咪就係..佢以為自己係邊個呀

職員丙：佢咪就係一個又 cool 又型既經理囉..

職員甲：睇下你，發姣發到出晒面，人地經理已經有老婆架喇，你冇望架

職員丙：咩呀，俾我恨下都唔得咩

職員乙：喂，你地睇下呢期既 Monday

職員甲：呢個人咁似...呢個咪就係經理??佢做左封面人物喎！佢隔離呢個女人..

職員乙：好熟口面喎..（諗諗下）..佢咪就係上次上黎搵溫生傾買仔展既果個女人？

職員甲：（翻開雜誌內容）呢個女人係明星黎架！佢之前仲係模特兒黎架

職員乙：唔怪得咁高啦~

秘書：經理都會識到呢 D 女仔?佢地行左幾耐呀

職員丙：點知呀，車~你方唔係貪佢啲錢咩~

職員甲：咁都要有人肯俾人貪先得架，好好先生啎..呵呵

秘書：佢個樣咁似花花公子，唔講我諗都冇人知佢結左婚啦

職員丙：你地話溫生果老婆知道左未呢?

職員甲：雜誌話佢地離緊婚啎，不過唔知係咪真，但係你都係冇機會

職員丙：你..!!算，我 EQ 高，唔同你嘈，做野

秘書：我都返去我個位喇，好似有人黎搵溫生

（打雜出場，走進經理室）

打雜：早晨呀，溫生

耀堂：唔~

打雜：溫生，今日報紙

耀堂：得喇，放低啦

打雜：溫生呀，駛唔駛幫你執執 D 野，抹下張枱咁呀?

耀堂：拎去啦（500 蚊一張），返出去咪再煩我

打雜：係既係既！多謝溫生，咁我出返去先喇

打雜：咁大牌~唔係為左錢~我邊得閒對你溫生前溫先後呀！

~鬼唔望你快啲破產，有幾折墜得幾折墜，繼而走出經理室，見到有位好靚既女士

打雜：搵邊個呢?身材咁鬼正（自言自語，之後走開了）

佻姬：SORRY 呀.....

秘書：你好，請問你搵邊位？

佢姬：我搵耀堂

秘書：經、經理？（細聲同自己講）

秘書：唔好意思呀小姐，請問你預約左未架？

佢姬：我都需要做呢啲野架咩？

秘書仲未講完野，佢姬已經旁若無人地咁直走去果度，爽快咁敲敲門

耀堂：（聽到開門聲，而視線卻不曾離開過電腦螢幕）

放低 d 文件係度就得喇~出返去啦~

Y~咪住~同我沖杯咖啡，多糖少奶

佢姬：Hi~

耀堂：（驚訝）你黎都唔通知一聲？

佢姬：通知你咪冇晒 **surprised** 囉！

耀堂：（冇理佢，只不停按著滑鼠同望住電腦）

佢姬：唉..而家紅啦，幫人買咩就賺咩，搵得最多客，精英中既精英，

月薪都唔止十萬，人地仲邊得閒理我架（慨嘆地說）

耀堂：（放低工作，走近她，從後抱著她）

係架~我靚仔又有錢，大把女人爭啦，

不過我好專一既...

佢姬：你同你老婆離左婚我就信你專一，都唔明你，屋企果個黃面婆咁煩，你都仲可以忍佢

耀堂：係架，佢真係好煩，成日打電話黎問我食左飯未呀，做緊咩呀，做野辛唔辛苦呀，問呢樣問過樣

佻姬：咁你仲唔同佢離婚？

耀堂：你都知道我係社會上面幾有名架喇，萬一俾啲報紙雜誌亂寫既話，對我對你都唔好架..係咪？

佻姬：乜你唔知雜誌已經登左我地張相出黎喇咩

耀堂：你唔好講笑啦

佻姬：你覺得我係講笑呀？你睇下

耀堂：我地上次食宵夜俾狗仔隊偷影到！

耀堂：點會咁架，啲客會對我有信心架，仲有，我諗我地以後都係再低調啦

佻姬：你咁驚做啫

耀堂：你唔驚呢啲野會對你有負面影響架？你公司知道左都有話你？

佻姬：哈哈

耀堂：你仲笑得落

佻姬：我已經搞掂左呢件事

耀堂：咩思意，我唔明

佻姬：好彩我識呢間野個編輯，啲相一登出街我已經搵左佢

耀堂：咁即係..

佻姬：佢話遲啲會公開同我地道歉，當冇事咁囉

耀堂：喔...

佢姬：睇你頭先驚青成果個樣！

耀堂：都係"有你最好"

佢姬：咁點報答我先

耀堂：請你食飯

佢姬：就係請食飯咋？我幫左你一個大忙呀

耀堂：咁你想要咩？戒指頸鏈耳環都送過喇啎

佢姬：我想要一幢樓，你買唔買俾我

耀堂：大小姐要咩我都俾，不過你而家住緊果度，岩岩先搬入去住左右耐，咁快又話搬？

佢姬：你都唔知，啲相出街之後，狗仔隊差唔多日日都係樓下"捕"我呀，咁樣對我好唔方便架嘛，又搞到我日日都食唔安坐唔落以後同你見面就仲難啦，係咪？

耀堂：唔通你要我即刻買俾你咩

佢姬：咁點姐~我唔要同你偷偷摸摸呀！

耀堂：俾啲時間我啦

佢姬：俾幾多

耀堂：幾日

佢姬：2日？

耀堂：No

佢姬：3日呢？

耀堂：一個星期

佻姬：一個星期…咁好啦，我等你

（關上經理室大門，二人不自覺地沉醉在他們自己的世界裏）

## 第二幕：家中，公司

蔭母：點呀，搵到未呀（聽到開門聲）

文傑：……（不語）

蔭母：唉..睇你咁既樣，問你都多餘既！

蔭父：人有仔，我有仔，都唔知點解我呢個仔咁蠢架.搵份工都咁難

算啦，老婆，咩都係整定架！（說完把眼鏡除下）

蔭母：你睇下你 Y，你啊 爸就快俾你激死架喇，你真係冇出息架你！

文傑：...（仍是不語，只是緊握拳頭，垂下頭，走進房間，用力的關上門）

文傑：佢地真係好煩！

敏：哥..你地又嘈呀??

文傑：你估我又想嘈咩，鬼叫你呀哥冇用，冇料冇樣冇錢咩都冇

敏：咁我地先申請落黎香港冇耐，你話搵到工就搵到工咁易架咩，

要時間架嘛，呢度又唔係大陸，咩野都要重新學過架，你咪當佢地講既野係耳邊風囉

文傑：慢慢黎，香港地冇得慢慢黎架妹

文傑：真係有啲後悔落黎香港..

敏：點解呀

文傑：落到黎，以為執到舊金，有錢搵，點知唔係咁架，下下睇人面色，你一出聲啲人就話你大陸仔，鄉下仔，又要識電腦，識英文呢樣果樣，返上去好過！都唔知做乜咁傻，死都要走落黎~ 真係自作孽

敏：你係大陸都讀過下數架，怕咩喎

文傑：我係大陸讀經濟，香港人都係覺得冇用，當你乜都唔識

敏：咁你學多啲野咪得囉，識多啲野咁人地咪唔會睇唔起我地囉！

文傑：學喎，都唔知要學幾多年，2年?唔..我諗3.4年啦

敏：你唔好咁絕望先啦！！咁樣做咩都唔會成功啦

文傑：咁可以點！我呢D人係要一世俾人睇死，係冇出息架喇！點學都有用！

敏：就係因為人地睇你唔起，你先更加要努力俾心機，話俾人聽你得既！！

文傑：努力..只有努力...努力真係有用咩

敏：哥，最怕你唔學，唔識唔緊要呀，問人囉，哥，我會支持你架！！你唔好咁易放棄，你諗下喎，到時你有事業，出人頭地，人人都會尊重你，仲邊有人會睇唔起你，叫你大陸仔

文傑：有錢..有錢可以渣 BENZ，買洋樓，唔駛住呢度，唔駛搭巴士同人迫，唔駛咩都就住就住

敏：有冇錢都唔緊要架，最緊要有份隱定既工，平淡都可以好開心，好幸福架姐

文傑：冇錯，我要果啲曾經睇我唔起既人對我刮目相看！我要佢地後悔！！

以下係一則財經新聞，寶源證券有限公司岩岩公布左佢既中期業績為三千六百二十

萬港元，而股東權益既回報年率亦由上年既 3.5%增至為 5%，而寶源證券有限公司總經理溫耀堂更表示對公司表現感到好滿意，而明年業績更預期會達至四千萬..（電視機）

敏：你睇下人地總經理幾叻上電視，你努力既話，有朝一日都可以好似佢咁架

文傑：我都信呢一日唔會離我好遠

敏：寶源呢間公司真係好出名架，你睇下報紙，我圈住呢個正方形呀，佢而家話請人，不如你聽日跟住呢個地址上去問下啦

文傑：唔好

敏：下...點解唔好呀？你唔好咁被動啦！咁樣係搵唔到工架！最多咁喇，我連自己既信心都俾埋你喇

文傑：我唔係話呢份工唔好，我係話聽日先見太遲，唔好呀！

而家先 12 點幾，食完個午飯去見都有你話聽日先去咁遲呀

敏：俾你嚇死喇，咁你快啲換件衫，準備出門啦

（房間傳來一陣銀鈴似既笑聲，十分悅耳）

（二人步出客廳）

蔭母：又出去呀？簡直係晒時間，晒心機，連車錢都晒埋

文傑：係呀，我而家去死呀，咁得未呀！（忍無可忍）

敏：呀媽你好煩呀！（拉福蔭走近大門）

敏：哥.你得架！

文傑：唔，你自己一個係屋企小心喇

（到達公司）

文傑：唔該，呢度係唔係請人架

接待處小姐：係呀，唔該你等等，..請你過去果邊填左張表先啦

文傑：喔.

文傑：（不久）唔該我填完喇

接待處小姐：係既，咁請你而家係呢度直行轉右，你會見到人事資源管理部，到時你再入去搵一個叫 Amy 既人就得架喇.

文傑：喔，唔該（於是往部門方向走去）

Amy：請問人黎有咩事架

文傑：我想搵一個叫 Amy 既人

Amy：我就係喇，你搵我有咩事

文傑：係咁既..我睇到報紙話呢度請人...

Amy：哦，咁一係過黎呢邊傾 Y

（坐下）

Amy：梁生你好，我係人事部主管既 Amy，我地公司的確係請人，而我就係負責人（睇表）

唔..我想問下梁生識唔識用電腦，好似打下字，整理文件咁?

文傑：唔....我唔識，不過我好肯學野架

Amy：等我仲以為大陸畢業生都識用電腦

Amy：咁雜務呢，知唔知咩叫雜務呀?即係拖下地，抹下窗果啲呀

文傑：我..我..（因太過緊張而口吃）

Amy：唔駛我喇，睇你咁既樣，茶水啦，一定冇問題啦！四千蚊一個月，點呀

文傑：哦，咁我幾時可以返工呀

Amy：梗係越快越好啦，時間好寶貴架，聽日，聽日有冇問題？

文傑：咁好啦...

Amy：到聽日我會再同你講下公司既野架喇，你而家走先啦

文傑：（獨白）我忍你..你黎住黎啦，第時我做到經理.我一定唔會放過你！！我要你知道我梁文傑唔係咁好蝦！！到時我要你喊住咁黎求我..

（文傑離開公司）

（燈滅，關幕）

### 第三幕：公司

職員甲：呀咩，同我斟杯水過黎

職員甲：唔？你新黎架？

文傑：係呀，我叫福蔭

職員甲：福蔭..得啦，叫你呀福啦就

職員乙：呀福同我拎呢份 File 去馮生個位度

職員丙：我呢度有好多垃圾呀，搵人掃下佢啦

文傑：得得得，等我黎..

職員乙：我個肚餓到打曬鼓喇，邊個去買下午茶返黎呀

文傑：我去啦，我去啦，好快返架姐

職員乙：呀福你真係好人架啫，拿，咁你記住我要一個餐蛋治，凍檸

職員甲：咁唔爭在幫埋我，一個多士，一杯奶茶

Susan：仲有一個波羅油，奶茶唔該

其他：仲有呀..我要...

（過後...）

文傑：有野食呀，自己出黎拎啦

（即刻走向主任）

文傑：主任，你既腿蛋治

主任：你點知我食開腿蛋治

文傑：要知道既話冇話唔得既

主任：俾心機啦，得架你

文傑：多謝經理賞識，我會俾心機架喇

（文傑又走返黎）

職員乙：終於可以抖返陣，唔，好味呀！

職員甲：今次有咁多牛油既，實肥死喇

文傑：唔好意思呀，下次我會叫佢多士少牛油

職員甲：喔.唔該

文傑：咁我去抖下先，你地慢慢食（走去茶水部坐下休息）

職員甲， 乙：好啊

職員甲：呢個人都請得過啲

職員乙：仲好叻仔添

（燈暗，大燈投向茶水部）

Susan：（走入黎）做咩唔出去食野呀

文傑：我都有幫自己買

Susan：其實佢地幫你叫左架喇，不過你唔知姐

文傑：好啊，咁我一陣出去先食，多謝先

Susan：不過要俾返錢架

文傑：都知你地唔會咁好請食野架喇，預左架，放心

Susan， 福蔭：哈哈

Susan：（睇見枱面有本野）天行金融進修中心?呢本咩黎架，可唔可以借黎睇下

文傑：我一得閒就會拎出黎睇架喇，其實我係大陸都讀過下經濟，不過係香港就冇用既

Susan：而你對呢方面又有興趣，所以你就進修，準備做經理，我估得有冇錯呢

文傑：你係度講下好喇，費時其他人聽到又唔知諗咩架喇，經理，我都想做呀，不過話咁易咩

Susan：我聽其他同事講，公司有 2 位總經理，都好似唔係靠實力上位

文傑：係咩，咁佢地做左啲咩呀

Susan：我都唔係好清楚，我都係黎左個半月咋

文傑：喔..咁唔緊要啦

Susan：我地出去啦，啲野食凍曬唔好味架

文傑：唔.

（燈暗，燈光射回工作地方）

Susan：呀福，你而家得唔得閒呀

文傑：做咩事呀

Susan：我有份文件係 **urgent**，但係我而家行唔開下，你可唔可以幫我拎呢份文件去總經理果度呀

文傑：好啊

Susan：係陳總經理，唔係溫總經理，唔好搞錯啊

文傑蔭：同你都算係朋友，你唔信我？

Susan：唔係唔信你，不過呢份野真係好重要，我盡可能都唔想有咩出錯，最多聽日 **TEA time** 我既

文傑：咁多謝先喇..

（燈暗，把燈光投向文傑身上）

文傑：獨白：你唔好怪我，要怪就怪你自己唔好彩，識到我（正在修改文件內容）

咯咯咯（敲門聲）

文傑：經理，呢份文件係 **Susan** 叫我拎黎俾你

文傑：係呀經理，我有啲野唔係好明，唔知可唔可以問下你？

陳總經理：唔，問啦（睇緊份文件）

文傑：我想問..唔...係關於...唔..都係算啦，冇咩事喇都係

陳總經理：有咩唔明你咪問囉

文傑：我想問溫經理佢買股票係唔係好準架

陳總經理：做乜咁問呀，呢層當然啦，有一大班客都係睇佢架

文傑：喔

陳總經理：做咩呀，你想學佢呀?讀多幾年書先啦

文傑：陳經理呀.有啲野我唔知講唔講好

陳總經理：又咩事呀

文傑：可能你會覺得我呢啲咁既人根本冇資格講，但係我真係覺得今次溫經理佢睇錯...

陳總經理：點會呀，佢出名買咩中咩架喇！

文傑：唔係呀經理，我都有留意下啲股票走勢

陳總經理：你當正自己係邊個呀，你茶水黎架咋

文傑：但係我覺得 763，885，379，316 呢啲股升一陣，好快會跌返落黎，但係溫總經理好似冇叫啲客放，仲一直渣到而家

陳總經理：379，316 呢 2 隻我覺得升啲

文傑：經理，原來你都有買架?

陳總經理：亂講啦你，我地係度做左幾多年，你又係度做左幾耐呀，如果出事我地一定知啦，得架喇，你返出去啦，咪住，同我叫 Susan 入黎

文傑：喔，咁我出返去先喇

陳總經理：獨白（379，316 會跌?（睇緊電腦），呢 2 隻股近排真係大起大跌，

好唔穩定，但係而家仲升緊啫..

文傑：Susan，經理叫你入去

Susan：咩事呀？

Susan：我都唔知，快啲入去先啦

職員甲：你岩岩入左去咁耐既，經理同你講咩呀

文傑：冇，佢知我係新黎，咪關心下我咁囉

職員甲：少有啫，平時睇佢成個黑面神咁，又 cool，真係估佢唔到

文傑：所以咪話人不可以貌相

職員甲：Susan 唔知咩事呢，唔通經理又"關心"緊佢？

文傑：出黎喇，出黎喇

職員甲：點呀，冇咩事呀嘛？

Susan：(把白信封拿出來)

文傑：白信封？

職員甲：辭職信？佢抄左你？

Susan：係

文傑：點解呀？

Susan：我都唔知，我一入去，佢係咁話我份野做得差，又話呢度唔適合我，叫我搵過第 2 份工（眼紅紅）

職員甲：唔好咁傷心啦，黎啦，我陪你返埋去個位坐下先啦

文傑：經理，點解你要抄左 Susan 呀

陳總經理：公司係唔會白養人

文傑：佢到底錯左啲咩呀？

陳總經理：佢冇做錯，只不過係呢個弱肉強食既社會裏面，佢唔夠人爭，你唔知以為我唔知你做左啲咩

文傑：總經理，我唔係好明你講咩

陳總經理：你係份野度做左手腳

文傑：我有呀總經理

陳總經理：唔好係我面前講冇，有一份 copy 係裏面，你係專登俾我知你有幾做得野架，係唔係？，不過你放心，我唔會炒左你既，我以後仲有啲野要你幫手，有冇興趣跟我學野？

文傑：我只不過係茶水一個，經理唔好講笑啦

陳總經理：我個樣似講笑咩

陳總經理：你既"表現"同"能力"我都睇到，我相信唔會睇錯人，跟我學野，莫講話經理..遲下總裁都有得你做！

文傑：咁...

陳總經理：你咪當俾個機會自己囉，你都想出人頭地，唔想俾人睇死一世架

陳總經理：就咁啦，我同上頭講一聲就得架喇，後生仔，俾心機啦

陳總經理："合作愉快"！

文傑："合作愉快"！

（詭秘既笑聲係空中迴盪）

（燈暗，大燈投向另一面）

#### 第四幕：公司

職員丙：孖神 Y.T !

耀堂：哈哈，幾時又有個新花名架?

職員丙：前幾日囉，你唔係唔知嘛，你而家出晒名

耀堂：喂我真係唔知啫... (笑)

職員丙：前排你咪幫果幾位客戶買孖展既，佢地今日上黎搵你，諗住同你講聲多謝

點知你未返到黎，咁佢地等等下就走喇，總經理我尋日買左隻 741 架，但係又唔知幾時放，你可唔可以幫我睇睇呀?

耀堂：唔好意思啫，我有好多野要做

職員丙：喔，咁唔緊要啦 (苦笑)

耀堂：喂係呀 Sonia，2 點鐘我約左 2 個 client，你幫我跟一跟，2 個大客黎架，小心啲呀

仲有，我今日唔得閒，呢度有份文件，你幫我整好放係我書枱上面

(去到公司某角落)

職員甲：(走上前) 你明知佢係好串架啦，你仲同佢咁多講野

職員丙：咁唔係點呀?佢買股票咁叻咁準，唔問佢問邊個呀?

職員甲：佢點會幫你呀?，你又唔係佢邊個!

職員乙：咪係囉，就算佢得閒冇野做，佢都唔會幫你架!

職員丙：咁我隻股點呀，唔通買黎蝕咩

職員甲：你係度做左咁耐，你唔係真係咩都唔識呀嘛

職員乙：唉~如果你真係唔識，都可以問下我既，我係度做左 3 年，對呢方面都算有經驗，好過求呢個衰經理

職員丙：唉~唯有咁囉

職員乙：唉咩呀，你信唔過我呀?

職員丙：我唔係咁既意思

職員乙：唔係咪得囉

嘟..嘟..... (電話響)

職員乙：聽個電話先

職員乙：喂，係，佢係度，..係，小姐，你冷靜啲先啦，其實你隻股大跌，係要搵返個負責人架

職員乙：經理，有個 client 發曬脾氣咁話搵你.

耀堂：得，你幫我轉條線果黎.

耀堂：黃太點呀

黃太：喂，隻 379 今日做咩跌左成 1 蚊咁多架！嘩，又跌喇，咁點呀而家

耀堂：黃太你冷靜啲先

黃太：又跌喇又跌喇，斬唔斬倉呀

耀堂：唔駛咁快斬住，睇定啲先，不如你補倉先啦

黃太：跌成咁都仲要補?

耀堂：但係黃太你唔補既話，你斬左佢要蝕 10 幾萬

黃太：咁多！咁你快啲同我補倉啦~

耀堂：你等陣...得，搞掂左

黃太：我今次俾你累死喇（講完掛線）

（耀堂離開經理室）

陳，張師奶：溫耀堂係邊！！叫佢出黎呀！

職員甲：佢係..（指住其方向）

陳師奶：喂「溫神」

耀堂：張太，陳太?（驚慌失措）

陳師奶：點呀，好驚見到我地咩

耀堂：不如我地...

陳師奶：點呀，你好驚俾人知咩，「溫神」！你呀，叫我地買果啲 001，763，885 呀，而家跌到渣到有呀，

玩完喇，斬倉都唔掂呀！，點計呀！！

張師奶：咪係囉，你俾返啲錢我地呀，俾返我地呀（打人）

耀堂：你地冷靜啲先啦

張師奶：咁我地點呀，..

陳師奶：咪係囉，你咁鬼衰格！！

陳，張師奶：俾返啲錢我地呀！

耀堂：你地執錢果時又唔見你地咁對我?

陳師奶：喂，冇冇人會嫌錢腥架？要怨就怨你時運低啦！！賠錢賠錢...

職員丙：兩位太太，不如你地過黎呢邊傾先，我地公司會了解你既問題再幫你地架

張師奶：你啲咁既人，冇報應架，去死啦你，（一邊被人拉走一邊大叫）

耀堂：（沮喪中）..突然企係身向住董事長方向行去

陳總經理：你沖入黎做咩..係咪想講岩先出面既事？

耀堂：呼！（大力關門），而家追上門喇，你唔幫我你都有麻煩

陳總經理：你都要俾啲時間我諗架！

耀堂：你而家咁算點呀，擺明唔幫啦

陳總經理：你講咩呀

耀堂：你而家即係打完唔齋和尚啦

陳總經理：乜野呀

耀堂：唔係我睇準邊隻叫你買，你個袋邊會有咁多錢

陳總經理：咁又點呀，啲錢又咪係同你平分，我拎得幾多，仲有，你唔好唔記得你而家有今日都係因為我

耀堂：係既，冇左你，我都上唔到黎，我仲要多謝你教識我點樣窺空公款

陳總經理：你咁講即係話我教你做呢啲野啦

耀堂：你今次唔幫我大家攞埋一齊死.

陳總經理：你咪同其他人講，話係我叫你拎公司錢出黎，！不過你睇有冇人信你？

耀堂：你啲野你都有份做架！

陳總經理：你真係好煩呀！係你甘心俾我利用架，其實呢個遊戲都玩左咁耐啦，唔通個玩法係點你仲未明咩？

，你對我黎講已經冇左利用價值，我都係時候都你講聲拜拜。

耀堂：我諗你都唔係好得過我幾多啫，你之前買果幾隻股呢，未輸曬咩

陳總經理：仲好講，好彩我收到風，係佢跌之前放晒，唔係蝕左啲錢都唔夠你賠

耀堂：估唔到你係啲既人

陳總經理：哼，你咁得閒同我係度嘈，不如諗下點樣幫自己甩身好過，哼.想拖埋我落水，你仲未夠資格

（燈暗，關幕）

#### 第五幕：海旁、家中

地產經紀：溫生呀，我諗你間屋呢而家只係值一百五十萬，賣埋架平治房車，都有一百六十萬既，有冇咩問題 Y，如果有既話咁我搞埋啲手續，最快呢兩日再覆你

溫耀堂：冇..（呆滯）

地產經紀：咁溫生，溫太我走先喇！

嫖：我送你（回頭看著丈夫）

堂母：啊堂，而家我地可以去邊呀

嫖：奶奶，你唔駛擔心架，我有個朋友空左間屋，我去同佢講下，我諗住一排都唔係問題

溫耀堂：你睇住呀媽（砰！）

（海旁，搵左個地方坐低）

老伯：一個人吹風咁悶呀，後生仔

溫耀堂：（冇理佢）

老伯：男人煩兩樣野架姐，一係錢，一係女人

溫耀堂：兩樣都有既男人係咪唔應該顯世？（深深呼出一口煙）

老伯：駛唔駛咁睇唔開呀，想當年我都不知幾威水，開左間製衣廠架，嗰，個個員工見到我都叫老細早晨，老細我地走先喇，果時要乜有乜，啲訂單多到接都接唔晒，連禮拜六日都要返去開工，不知幾唔得閒

溫耀堂：咁你以前都幾勁架喎，咁點解你而家會搞成咁

老伯：冇計啦，啊伯冇用，人地用高科技，你幾日先做完果啲貨人地 2, 3 日都做好啦，點同人爭

溫耀堂：所以你執左佢？

老伯：我對間廠都有感情架，點會想執左佢，不過啲生意一日少過一日，唔執左佢咪仲衰

溫耀堂：咁你個老婆，子女果啲而家係邊呀？

老伯：果個女人，我一冇錢佢已經帶埋個仔走左返都未返過黎

溫耀堂：咁你打算點呀？

老伯：我都一把年紀啦，仲可以點，反正執汽水罐都執左十幾年，咪繼續執囉，所以話後生仔，唔駛下下都講死既

溫耀堂：你唔會明（整熄枝煙頭）

老伯：有幾難明，你睇得開咪得囉

溫耀堂：你唔係我，你明咩呀！

老伯：我理得你係邊個呀，你死你事

老伯：命裏有時...終須有...命裏無時..莫強求...

（溫耀堂離開）

路人（男）：幾多錢呀

嫖：哦，呢條手鏈要 100 蚊，不過好靚架，一定好襯你女朋友

路人（女）：係咪真架，試下先（帶上手）

嫖：真係好靚好岩你

路人（女）：唔...（望住男）

路人（男）：你想要？

路人（女）：唔...（望住男，笑）

路人（男）：咁好啦，就呢條

嫖：好啊，你等等..

溫耀堂：真係你！你係度做咩呀

嫖：你..你點會係度架

溫耀堂：我問你係度做乜呀！

路人（男）：究竟係唔係做生意架

溫耀堂：做咩生意呀，唔做呀，你地走呀

嫖：我好辛苦先搵到啲客咋，你做咩同我趕走佢地

溫耀堂：我家下有錢俾你咩，你家下係度丟緊我面呀

嫖：

溫耀堂：就算我有錢，我都唔會俾我女人出去做野！

嫖：你唔好咁固執啦，就算你唔係為左我，都當係為左奶奶啦

溫耀堂：呢啲野我會諗掂佢，你執埋啲野同我即刻返屋企

嫖：呢啲野唔係你一個人就可以解決，係要 2 個人架..

溫耀堂：同我返屋企呀！！！！

（嫖執野返屋企，燈暗，大燈投向家中）

溫耀堂開門，見到嫖訓左係梳化上，..

嫖：（聽到開門聲）你返黎喇？咁大浸酒味既（扮冇事）

溫耀堂：係呀，我去左同朋友左飲兩杯

嫖：咁你快啲沖個涼，換曬啲衫，我去整返熱啲餸

溫耀堂：你唔好對我咁好啦！

嫖：我係你老婆黎架，唔對你好咁對邊個好

溫耀堂：我唔值得你咁做，你明唔明啊

嫖：你飲醉喇，我扶你返入去

溫耀堂：你放手啦，你對我越好，我只會更加唔知點面對你

嫖：係咪我同你講少啲野，你會好過啲呀

溫耀堂：我已經係一個廢人黎架喇！我而家咩都有，你唔好跟住我啦

嫖：我唔介意架~

溫耀堂：我介意呀！你知唔知我出面有第 2 個女人喇？

嫖：我知..我同奶奶一早已經知

溫耀堂：咁你仲對我咁好做乜姐！我唔駛人可憐架，你走啦

嫖：我唔走

溫耀堂：我而家已經冇曬錢，你拎唔到啲咩，你講，你係唔係想睇我折墮到點，咁你而家睇夠啦！

嫖：你唔好咁啦…

溫耀堂：喊咩呀喊，唔准喊

堂母：(走出黎)，咩事嘈到咁大聲呀

堂母：家嫂，你做咩喊，有事慢慢講

溫耀堂：你地走啦

堂母：衰仔，而家攞到咁，家嫂都有嫌棄你，唔通你嫌棄佢？

溫耀堂：係，係我衰，係我配唔起佢，我唔想佢同我一齊捱，你地明唔明呀！

嫖：如果你諗到我係一個貪錢女人，我對你好失望，都好心痛，你係出面玩女人，唔緊要，我可以當咩都有發生過，你開 OT 唔返屋企食飯，唔緊要，我等你，就算你而家唔係經理，我都會等你，等你重新振作，重新黎過，無論點，我都會係你身邊，唔會走開

溫耀堂：哈，幾千蚊一份人工都唔夠用啦

嫖：錢搵幾多唔緊要架，只要搵到份工，夠食三餐都得架喇。

堂母：呀媽明架喇，唔駛講，你總之記得呀媽唔駛要日日食山珍野味，只要日

日陪住我地就夠喇

（三人相擁在一起，燈暗，關幕）

（敏上公司，途中聽到以下對話）

#### 第六幕：公司

職員乙：係喎，點解呢排唔見左「溫神」既？

職員甲：唔知呀，佢突然辭職，都唔知佢咩事

職員丙：我聽人講好似話佢窺空公款..所..

職員乙：咪住咪住，窺空公款咪即係穿公司櫃筒？！

職員丙：係呀，你聽埋先啦，好似話佢偷左公司百幾萬，仲俾總經理發現，同埋佢之前 tips 股咪 tips 錯晒既，公司對佢好失望，不過好似話唔想搞到上差館，所以就炒左佢，同埋叫佢拎返啲錢出黎就算.

職員甲：唔怪得啦文傑而家上到黎喇

職員乙：關佢咩事呀

職員甲：你覺得佢而家做到總經理，真係靠佢自己咩，你唔記得上次 Susan 件事咩

職員乙：記得，佢上次做錯份野俾總經理抄左嘛

職員甲：會唔會真係咁岩，Susan 走左之後，佢就做文員，成日同陳總經理跟出跟入，而家仲做埋總經理，坐左溫生果位，你唔覺得件事好怪架咩

職員乙：就算係，咁又點呀，我地都做唔啲咩架

職員丙：噓！！

敏：哥

梁文傑：呀妹你黎左喇?入黎先啦

職員乙：哎呀，死喇，唔知佢呀妹聽唔聽到添架，佢話俾梁總 經理聽就死喇

職員甲：大驚小怪，做野啦

(燈暗)

(推開門) 梁文傑：你睇下，黑色轉椅(坐低)，真皮架，後面仲有個海景，幾靚，呀妹，唔好掛住企係度啦，過黎坐

敏：你變左

梁文傑：我變左?哈哈，我知喇，你係唔係唔慣呀哥著成西裝，皮鞋

敏：唔係，我係話你個人變左

梁文傑：咁人梗係會變架，唔通成世都俾人睇死咩

敏：如果你係為錢，而變得不擇手段既話，我寧願你做返之前果個阿哥

梁文傑：你想講咩野呀

敏：你知唔知我岩岩係出面聽到你啲同事講咩呀

梁文傑：佢地最鍾意講埋啲八卦野架啦你唔駛聽佢地亂講架啲

敏：佢地講你為左上位，討好經理，迫走你同事呀

梁文傑：佢地講咩你又信，我係你阿哥黎架，你信外人都唔信你阿哥?

敏：我都想信你，不過我說服唔到自己，你已經變左第 2 個人喇!!!

文傑：我咁做係為左邊個

敏：咪為左你既名同利囉

文傑：我搵咁多錢又咪係為左你地，你睇下啊爸啊媽，每個禮拜俾啲錢佢地飲茶，買下野，佢地都不知幾開心

敏：有啲野唔係用下下用錢就得架，錢唔係大晒架！

文傑：有錢唔係萬能，冇錢就萬萬不能！！

敏：呢啲咁既污糟錢我先唔要呀，記得以前係大陸，每日返學你都踩住單車接埋我返學放學，蕃薯又兩份分，得閒又餵下啲雞雞鴨鴨，好多野都唔駛煩，每日都好開心，小黑有次佢冇返黎屋企，我地兩兄妹仲搵左佢成日，最後都搵到，你仲記唔記得呀，你睇下你而家，為左上位，你討好你上司！害你公司既同事，搞到佢地冇左份工！做咁多傷天害理既事！一日都黑淨係對住部電腦，開口埋口淨係識得講錢，你真係俾錢沖昏左頭腦架喇！

文傑：你唔好再講喇，呢啲野我已經唔記得晒喇，而家公司不知幾睇起我，今時唔同往日架喇，我唔會行返以前條舊路！

敏：你唔好咁天真啦！！公司點會器重你呀！你都係用用不擇手段先可以坐到呢個位架咋！

文傑：你唔好抵毀我，我係靠真才實料先做到總經理，我唔怕話埋俾你聽，我遲早會做埋呢間公司既主席架！

敏：咩話！！仲要做埋主席?~你仲想害幾多人先夠呀！

文傑：好喇下！我唔準你再講埋啲咁既野呀！你信就信，唔信就算！

敏：哼！（砰！！）

文傑：費時同你嘈，你都打橫黎講架！

文傑定一定神，繼續埋首他的工作。

文傑：（獨白）哼，好心冇好報，要我再過返以前既日子，有可能！我而家淨係知咩叫"有錢使得鬼推磨"，我唔要走回頭路！！！！ 而家既梁福蔭唔再係以前既梁福蔭，我冇得返轉頭，我寧願乜都唔要，我都唔可以冇左錢！

（起身，拍枱）

（大燈投射左啊敏身上）

敏：死人頭，講極都唔明（一路走一路講）

（迎面見到一個女人，向呢邊走黎）

敏：獨白（呢個女人係邊個黎架呢，咁高咁熟口面既，好似係邊本雜誌見過…）

（燈滅，關幕）

**【全幕完】**